



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 48. Ebbo depositus.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. A. C. 835.
 Ann. Bert. 235.
 episcopis septem Orationes in reconciliatione pœnitentium recitari solitas super Imperatorem cantantibus Episcopi coronam ab Altari accipiunt, & eidem imponunt. Hæc inter Missæ solemniam omni populo Gratias Deo agente & lætitiâ maximam profitente acta.

§. XLVIII.

Ebbo depositus.

Inde Episcopi Theodonisvillam regressi contra Episcopos reos, quorum plerique in Italiam sub Lotharii præsidium confugerant, Judicium formarunt. Hilodemannus Bellovacensis, in Concilio præfens, quod sibi objiciebatur, diluit. Agobardus Lugdunensis & Bernardus Viennensis depositi, ille quod ter vocatus non venisset, hic vero, quod postquam venisset, fuga deinde se proripuisset. Obtinuerunt Episcopi, ut Dignitatis Episcopalis honori daretur, ut Ebbo in Sacratio extra conspectum Laicorum judicaretur. Prementibus adversariis, ut factorum rationem redderet, conquestus est, quod a se solo pœna exigeretur factorum tot aliis Episcopis præsentibus. At illi excusare, quod coacti adfuissent quidem, cum impium facinus in Imperatorem attentaretur, sed sancte affirmare, se minime consensisse. Tunc Ebbo intelligens, se ab omnibus destitui, Monachum

*Epist. Car.
 ad Nicol.
 Astronom.*

chum quemdam Reclusum, nomine Fra-
 megal dum ad se accersitum ad Juditham
 Imperatricem mittit cum annulo, ab ipsa
 olim in eum finem accepto, ut ad se re-
 mitteret tanquam extremi periculi indi-
 cium. Non irritæ fuerunt apud scemi-
 nam memorem preces, nam ab Episco-
 pis impetravit, ut Imperatoris animum
 mitigarent, & Ebbonem saltem ritu pu-
 blico & solemnino deponerent. Ergo
 moram petiit, sibi que ipsi Judices, quod
 Canones permittebant, delegit. Hi fue-
 re Ajulfus Archiepiscopus Bituricensis,
 Baduradus Episcopus Paderbornensis &
 Modovinus Episcopus Augustodunensis.
 Cum eis secreto peccata sua confessus
 fuisset, Concilio porrexit Libellum sua
 manu subscriptum in hæc verba: *Ego
 Ebbo indignus Episcopus cognoscens fra-
 gilitatem meam & gravitatem peccato-
 rum meorum hos Confessarios meos & Ju-
 dices elegi, his sincere delicta mea confes-
 sus sum. Quæro remedium pænitentia
 & salutem animæ meæ, recedo ab officio
 & Ministerio Episcopali, quo me indi-
 gnum agnosco ob peccata, quæ ipsis se-
 creto confessus sum, ita ut in Episcopa-
 tu subrogetur alius, qui digne præesse
 & prodesse possit Ecclesiæ, cui hæctenus
 male præfui. Atque ut eam nunquam
 amplius repetere valeam, manu mea pro-
 pria subscripsi.* Verba subscriptionis

Sæculum IX.
 A. C. 835.

Hincm. ibid.
 to. 7. Conc. p.
 1696.

X 5 erant:

Sæculum IX. erant: *Ebbo quondam Episcopus, sub*
A. C. 835. scripsi.

Hanc Scripturam Concilio oblatam
 viva voce confirmavit, & dedit tres alios
 testes, Nothonem Archiepiscopum Are-
 latensem, Theodoricum Episcopum Atre-
 batensem, & Achardum Episcopum No-
 viodunensem. Et sic ab omnibus qui in
 eodem Concilio fuerunt Episcopis acce-
 pit sententiam dicentibus per ordinem
 mentem suam, ut secundum secretam
 confessionem cessaret a Ministerio. Mox
 Jonas Aurelianensis sententiam dictavit
 Eliæ Presbytero & postea Episcopo Car-
 nutensi quarta die Martii anno octingen-
 tesimo trigesimo quinto, Ludovici Im-
 peratoris vigesimo tertio datam. Epi-
 scopi, quos Ebbo testes acceperat, publi-
 ce, ipso Ebbone poscente, testati sunt,
 quod sibi confessus fuisset tale peccatum,
 propter quod dignus non esset, Episco-
 pale Ministerium ultra jam agere, & si
 idem peccatum ante Ordinationem ad-
 misisset, nullo modo Episcopus ordinari
 debuisset. Postquam Episcopi præsen-
 tes, numero quadraginta tres subscrip-
 sissent, jubente Concilio Drogo Metensis
 & Hetto Trevirensis hanc Confessionem
 tradiderunt Fulconi, qui Successor in Se-
 de Remensi Ebbonis fuerat designatus.
 Fulco Abbas erat ad S. Remigium &
 Chorepiscopus Remensis. Non illico
 tamen

tamen ordinatus est Episcopus, quia Lu-
dovicus Imperator volebat, ut prius in
Depositionem Ebbonis consentiret Papa,
ad quem hujus negotii causa Godefri-
dum S. Gregorii in Diocesi Basileensi
Abbatem misit. Hac Sententia pronun-
ciata Ebbo remittitur ad Monasterium
Fuldense, unde post breve tempus edu-
ctus custodia Fereculfi Episcopi Luxo-
viensis, & postea Bosonis Abbatis S. Be-
nedicti ad Ligerim traditur; nam quoad
Ludovicus Imperator inter vivos egit,
libertatem consecutus non est.

§. XLIX.

Res Ecclesie Gallicanæ.

Eodem anno octingentesimo trigesimo
quinto Ludovicus Imperator, illis re-
bus, quæ ad Religionem spectant, sem-
per intentus Festum Omnium Sancto-
rum, quod Romæ jam annis ducentis,
Bonifacio IV. Auctore, agebatur, Grego-
rio IV. hortante & consentientibus om-
nibus Episcopis in tota Gallia & Germa-
nia die prima Novembris celebrari jussit.
Verba quæ in Hymno illius Festi recita-
mus: *Gentem auferte perfidam Creden-
tium de finibus*, accipienda sunt de Nor-
mannorum incursionibus, quæ jam tunc
frequentiores esse cœperant. Eodem
anno octingentesimo trigesimo quinto
cum Normanni e navibus suis in Heram
Insulam

Sæculum IX.
A. C. 835.

Sigeb. an.
835.

Sup. Lib.
XXXVI.
S. 56.

Chr. Engol.